



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 30/09/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministère fir Tourismus & Sport weiderzeleeden.

Den Tour de Luxembourg 2024 war eng exzellent Publicitéit fir de Vëlosport an eng formidabel Publicitéit fir d'Promotioun vun eisem Land. Och eis lëtzebuenger Ekipp huet eng gutt Leeschtung gewisen a mat enger staarker Performance op sech opmierksam gemaach. Den Tour de Luxembourg gouf op 3 vu 5 Kontinenter an an insgesamt 126 Länner iwverdron – eng grouss Bün fir eist Land an an Absënns fir de ganzen Tourismussektor.

Deemnächst wäert mat den Tennis Masters dat nächst grousst Sportevent an der Coque stattfannen – wou den internationalen Dammentennisport an Evidenz gesat gëtt an eist Land eng weider international Visibilitéit kritt. Béid Sportsmanifestatiounen vertrieben souwuel de Slogan „Visit Luxembourg“ wéi och d'Signatur "Luxembourg – Let's make it happen".

An deem Zesammenhang wéilt ech de Ministeren dës Fro stellen:

1. Wéi vill finanziell Ënnerstëtzung hu béid Organisateuren an de Joren 2022 an 2023 fir déi jeeweileg Manifestatiounen vum Staat kritt?
2. Wéi héich wäert des staatlech finanziell Ënnerstëtzung am Joer 2024 sinn?
3. Wéi gesäit d'Regierung d'Evolutioun vun der finanzieller Participatioun vum Staat an den nächste Joren - dëst op Grond vun der internationaler Visibilitéit vu béide Sportsmanifestatiounen?
4. Gedenkt d'Regierung hir Participatioun weider ze erhéijen am Sënn vun der Promotioun vun eisem Land?
Wa jo, ëm wéi vill soll déi finanziell Ënnerstëtzung par Rapport zu 2024 erhéicht ginn?
5. Plangt d'Regierung fir an Zukunft nach aner grouss international Sportsmanifestatiounen hei zou Lëtzebuerg mat „Visit Luxembourg“ an "Luxembourg – Let's make it happen" promovéiert ginn, finanziell ze ënnerstëtzen, fir esou international op grousser Bün Reklamme fir eist Land ze maachen?
Wa jo, wéi eng Sportsmanifestatiounen wieren dat?

Mat déiwem Respekt,



www.piraten.lu



CLEMENT Sven
Deputéierten

